



www.breaksnorthwales.co.uk



www.adventure-northwales.com



www.golf-northwales.co.uk



www.walkingnorthwales.co.uk



www.moviemapnorthwales.co.uk



www.eventsnorthwales.co.uk



www.gardensnorthwales.co.uk



www.attractionsnorthwales.co.uk



www.walledtowns.co.uk

egroeso

bwletin electronig gan
Bartneriaeth Twristiaeth Gogledd Cymru

Twristiaeth yn helpu'r
rhanbarth i ymladd y
dirwasgiad

01745 589020

Twristiaeth yn helpu'r rhanbarth i ymladd y dirwasgiad



Mae corff twristiaeth allweddol wedi gwneud cyfraniad allweddol i economi Gogledd Cymru yn y frwydr yn erbyn y dirwasgiad.

Llwyddodd yr ymgyrchoedd marchnata a gomisiynwyd gan Bartneriaeth Twristiaeth Gogledd Cymru i gynhyrchu mwy na £19 miliwn o wariant ychwanegol gan ymwelwyr.

Mae hynny'n £1 filiwn yn fwy na'i tharged am y flwyddyn ac roedd yn gyfystyr â £19 am bob £1 a fuddsoddiwyd yn eu hymgyrchoedd.

Mae'r newyddion da i'w weld yn adolygiad blynyddol y Bartneriaeth Twristiaeth am 2008-09 ar adeg pan oedd y cyni byd-eang yn taro economi'r Deyrnas Unedig yn ddifrifol.

Roedd y perfformiad yn tanlinellu pwysigrwydd twristiaeth sy'n cyfrannu cyfanswm o £1.8 biliwn i economi'r rhanbarth ac sy'n gyfystyr ag wyth y cant o gynnyrch domestig crynswth Gogledd Cymru. Mae'r diwydiant yn cyflogi dros 37,000 o bobl.

Dywedodd Rheolwr Datblygu'r Bartneriaeth Twristiaeth, Andrew Forfar, fod yr arafu economaidd wedi bod yn fendith gymysg i'r economi ymwelwyr.

Roedd y bunt wan yn golygu bod llai o bobl yn mynd ar wyliau tramor gan gryfhau'r galw am wyliau byr a gwyliau teuluol hirach yn y Deyrnas Unedig.

Profodd amryw o ymgyrchoedd seiliedig ar thema i fod yn llwyddiant mawr. Yn eu plith roedd ymgyrchoedd yn tynnu sylw at gewri diwylliant a threftadaeth y rhanbarth, ei gerddi, a map ffilmiau yn dangos lleoliadau ffilmiau a rhaglenni teledu.

Hyrwyddwyd Gogledd Cymru hefyd fel cyrchfan flaenllaw i chwaraewyr golff, rhai sy'n chwilio am antur a cherddwyr.

Meddai Mr Forfar: "Rydym yn falch iawn fod swm cymharol fach o arian wedi gallu creu elw mor fawr.

"Y gwaith a wnawn mewn partneriaeth â phobl yn y sectorau cyhoeddus a phreifat yw'r allwedd i'n llwyddiant, yn enwedig y rhai hynny sydd yn y diwydiant twristiaeth.

"Dipyn o gleddyf deufin fu cyflwr yr economi oherwydd, yn ôl pob sôn, mae mwy o bobl yn aros yn y Deyrnas Unedig ar gyfer eu gwyliau eleni felly gobeithio y byddwn yn manteisio ar y sefyllfa ac yn denu mwy o bobl i Ogledd Cymru.

"Wrth symud ymlaen, mae'n hollbwysig ein bod yn parhau i wella'r cynnyrch. Mae disgwyliadau pobl yn llawer uwch yn awr, waeth beth maen nhw'n ei brynu, ac mae hynny'n wir am dwristiaeth hefyd – mae ymwelwyr yn chwilio am brofiad o safon.

"Mae'r diwydiant twristiaeth yng Ngogledd Cymru yn ymateb i'r disgwyliadau uwch hynny ac rydym yn gweld tystiolaeth buddsoddiad

sylweddol mewn atyniadau, yn ogystal â'r sector llety, wrth gwrs.

"Y diwydiant twristiaeth yw'r sbardun mwyaf yn economi Gogledd Cymru - mae'n llygedyn o obaith ar y gorwel economaidd.

"Mae twristiaeth yn un maes lle mae potensial aruthrol am dwf economaidd. Rydym wrthi'n datblygu ein strategaeth dwristiaeth newydd sy'n ceisio cryfhau ein safle yn y Deyrnas Unedig.

"Mae gennym gymaint o bethau i'w cynnig. Mae

Gogledd Cymru fel microcosm oherwydd gallwch brofi llawer o wahanol bethau heb orfod teithio'n bell.

"Gallwch fod ar y traeth neu ar y mynyddoedd o fewn hanner awr. Gallwch fod yn mwynhau gweithgarwch llawn adrenalín yn Eryri, neu'n crwydro Gororau Gogledd Cymru'n hamddenol, ac mae gennym gyfoeth o ddiwylliant – neu hyd yn oed brofiad siopa ardderchog.

"Mae ein synnwyr o le unigryw yn bwysig i

Ogledd Cymru. Dyna sy'n ein gwneud yn wahanol i'r rhanbarthau eraill ac mae diwylliant yn amlygu hynny'n fwy na llawer o bethau eraill.

"Mae'r deunydd crai sydd gennym o ran gwneud Gogledd Cymru'n ddeniadol yn anhygoel."

Ychwanegodd Mr Forfar fod llawer o resymau dros fod yn obeithiol ynghylch datblygiad yr economi ymwelwyr yn y dyfodol.

Yn eu plith roedd dynodi Traphont Ddŵr a Chamlas anhygoel Pontcysyllte yn Safle Treftadaeth Byd ac agor yr adeilad newydd ar gopa'r Wyddfa, Hafod Eryri.



Clwb Golff Nefyn a'r Cylch